

# INUIT ATAQATIGIIT INATSISARTUNI



UPA2026/25

28. april 2026

**Mimi Karlsen**

**Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaata allanngortinnissaanut inatsisissatut siunnersuut** (Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfik)

Inuit Ataqatigiit takornariaqarneq inuussutissarsiutitut pingarutilittut isigaarput. Takornariamut, takornariaqartitsisumullu inatsiseqartariaqarpugut illugiinnut toqqissisimatitsisussamik. Taamaammatt Inuit Ataqatigiit Takornariaqarnermut Inatsisissaq pingaartutut isigaarput.

Taamatuttaaq isigaarput komunit takornarit sumiinnerini, qanoq amerlatiginerini nakkutilleeqataasinnaammata, nalunaarsuisitsinikkut, soorlu qaassit pisuttuarterfinni pisuppat, sumukarpat, il.il.

Inuussutissarsiut inerititassaq inatsisiliuunneqaqqaamerpoq. Tusarniaanerit isumasiuinerillu ingerlanneqartuarput. Taamaammatt Inuitt Ataqatigiinniit tupinnartuliatut isiginngilarput suli nalimmassagassanik inatsisissami peqarpat.

Maanna Naalakkersuisut takornariartitsinermik ingerlataqarneq inuussutissarsiutigalugulu ingerlatsinermi zonenut immikkoortiterineq pillugit inatsisip allanngortinnissaanut inatsisissatut siunnersuut, takornariartitsinermut inatsimmik aamma taaneqartartoq saqqummiutaat iluaraarput, qanittukkummi Inatsisartut oqallilluareerluta takornariartitsinermut inatsit akuersissutigaarput, taannalu iluarsiissuteqarfiginiarneqalerpoq.

Inuit Ataqatigiinni maluginiarparput takornariartitsinermik ingerlatanut 2025-mi januarip aallaqqaataa sioqqullugu pilersinneqarsimasunut piffissaq immikkut akuersissuteqarfiusoq ukiunit marlunniit, ukiunut tallimanut sivitsorneqassasoq.

# INUIT ATAQATIGIIT INATSISARTUNI



Nalinginnaasumik najugaqarnissamut piunasaqaataasumik imaluunniit najukkami piginneqateqarnissap malinnissaanut tunngatillugu, angerlarsimaffik qimallugu allamiinnerit ilaanut atatillugu najugaqartussaataaermit ilaatitsinnginnissamik aammagooq periarfissiisoqarpoq.

Piunasaqaatit tassanngaannartumik allanngunnginnissaat qulakkeerumaneqarea iluarivarput, tamannalu nalimmassarneqarumammatt iluaralugu.

Taama oqaaseqarluta allannguut akuerivarput.